

沈乃文 主編

明別集叢刊 第二輯

第八十二冊

黃山書社



國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第八十一冊

黃山書社



(明)汪柏撰

青峰先生存稿八卷

清康熙三十六年汪逢源等刻本

青峯存裏序

問田張

嗚呼予尚忍序廷節之文耶予與廷節俱爲張氏
相携讀書外家俱見器於外家之識者後廷節未弱冠領
鄉薦名在高等擢戊戌進士一時聲稱籍甚而予落落垂
翅幾二十年予自謂與廷節若風馬牛不相及矣嘉靖丙
午予幸舉於鄉次年試春官未第乃願就教職時廷節爲
光祿寺丞止予勿就庚戌予未第廷節止予益力至癸丑
予重違母命決志受官冀得寸祿以爲予母養也廷節乃
咨嗟垂涕謂予志未伸又勸予歸爲後圖越三年丙辰廷

序

一

節參浙藩得予捷南宮報喜動顏色重勞報者惠書
曰使公不從栢言不知今日在何處嘆昔栢珥珥也詎
公賀是歲予以母憂歸廷節之廣東任乃枉顧予出所
詩文示予予把玩數日見其有得於道深爲敬服約後少
乞身山中勉相劇切以肆力於文詞用以鳴世孰意含沙
射影寔繁有蛾廷節竟歸職以先歸哉予自史館遷南雍
不見廷節數年亦謂前約之可踐也又孰意天不憖遺奪
我知己廷節遽即世哉嗚呼予尚忍序廷節之文耶廷節
常與予揚確古今得失醜酸之贊不見殊異廷節所贈

者予率以爲然使予不當於心廷節業已彈射之矣予又
見廷節之論文曰天地者文章之苑也禹蹟滿天下而禹
貞成馬遷過遊大川而史記成故廷節凡所經歷遇有名
勝輒豪思迅發詞藻聿就今觀其作雖落筆縱橫直出胸
臆然其體裁步驟咸不出大家範圍騷可方之屈宋文逼
真先秦詩駕漢魏近躋坪於盛唐瞻之哲匠造車不假人
授圓融合作動皆可觀要其自得者居多也嗚呼廷節往
矣有此亦既足傳矣然予失所匡掖夾輔予懼予之卒罔
有聞予尚忍序廷節之文耶且廷節往爲相國夏桂翁所
知翁歲時慶賀候問及爲干請有言多廷節爲之屬稿而
縉紳士夫聞廷節名者多願折官位並與之交求言者益
衆在廣浙經畧議論凡幾千萬言率皆關於世務茲俱缺
佚不存所存者多應酬文字乃廷節自以爲空言者九原
有知目寧瞑哉是故予於是又重爲廷節扼腕而長嘆也
廷節姪思聰男思恭俱庠彥今搜集其存者梓刻以行屬
予序之予追憶夙昔道誼之契不覺涸涸下乃述其不
忍序之故畀以弁諸首若夫懿德懋勳詳見予傳茲不贅
云

序

二

隆慶二年孟秋吉旦

賜進士及第南京國子監司業前翰林院

國史編修金造序

先仲父雅好著述藝在光祿時為館閣
 諸公所推重有大制作俱送先仲父手為
 之所著益加于意第不肯意留稿作者絕
 少及歷官廣浙正當海寇猖獗之際其經
 略海防不啻數萬言業已施行底有成績
 若常自謂應酬文字雖蒙士大夫所許可
 不過空言耳此則身當其事心思所竭曲
 中機宜異時嗣修海防者吾言恐不可廢
 也緣是雖幸騰馮成帙又以呈浙大泰
 王公及廣巡撫公未及領回而先仲
 父不幸逝矣此後無緣取復而存意留稿
 之文又漸散逸今茲所刻不肯與泰檢檢
 殘畧所得刻成潛述如前蓋以見茲不過
 千百之什一而且後世其有謂吾言者也
 尚冀王林二公倘蒙復見而垂憫焉前
 所呈者不以覆瓿則所以從容訪刻以圖

不負我先仲父之所經畧者庶可以僥倖
 官姪思聰百拜謹識

古今論文以沐浴先秦兩漢規矩八大家為可傳否則剗襲浮艷餽釘陳言繩樞草舍朝華夕萎弗貴也然必其人秉清淑之姿負剴方之槩其出處皆有可觀且學術醇厚故發為文章寔大而聲宏根茂而枝渥可以勒金石而垂久遠歷百年而彌新也予先世新安家于白岳之陽越國之裔蕃衍碩大科第炳耀後先蟬聯于新安為

序一

著姓且徽饒接壤昌江自新安徙居者皆越國之支裔也族浸以大掇巍科通仕籍者代不乏人我舅山夫子早登賢書困于公車棟授仙居已如入關分閤書二房同門兄弟六七人得遊門墻乃未及三載以水藥自持守正不阿致失意當事一旦解組歸里而袖清風三逕松菊泊如也辛巳之秋放棹道經嘉禾訪同門諸人停棹桐

邑晤別殷勤追隨杖履朝夕接譽於者漫旬日因出手錄家青峯先生文集示予同邑金星橋為立傳并序其文予捧讀之知先生登嘉靖戊戌進士歷任浙江叅政陞廣東布政使司時浙省倭寇內地先生督師海上指授方畧生擒渠魁勞績懋著以方正忤權貴遂拂衣而歸時方強仕之年也嗟乎使當時君相知先生之才器進而

序二

大用之其經緯勲業豈有未展之蘊抱哉予讀其文益欽其為人其筆力縱橫一光明俊偉之氣象也其議論崇宏如洪鍾巨莛之響答也其序記贈答則一本于與人忠厚惻惻款款切于事情無一言之不寔也詩歌則遠宗漢魏方駕盛唐星橋與公生同時居同里兩人相知最深其評品信不誣云今藏板雖亡失是宜亟付曲刀

公諱海內世不乏楊子雲自有聆音而賞
奇者幸毋曰秘諸篋笥而不輕以示人也
肯

康熙歲次辛巳孟冬月門人金樺拜手譔

家方伯公諱栢字廷節號青峯嘉靖辛卯
弱冠登賢書戊戌成進士由刑部郎中光
祿寺丞外遷廣東海道勤勞著績擢布政
使公以不附時宰拂衣歸里年方強仕視
祿食之厚薄官秩之崇卑澹如也當是時
倭寇猖獗公籌畫決策搗其窟穴擒渠魁
何亞八島嶼以寧叙績公宜首推不幸為
當事所掩其揣度情形勦撫机宜條陳數

序

萬言俱不傳使當事不沒其功而君相得
竟其用則橫靖邊陲豈特海濱一隅澄清
而已哉公淹洽經史穎悟絕倫下筆千餘
言立就不屬稿凡在朝公卿士大夫慶賀
表箋及祖餞序文皆出公手詩歌贈答率
本忠厚和平規正切寔之論視世之阿諛
浮夸者相去逕庭公歿國子司業金公星
橋序其遺稿交情真篤有不忍輒序不忍

不序之意兩人當日德業相砥聲氣相孚
至今芬人齒頰間予僞公後少時侍先君
伯叔前每樂述公之言論丰采立朝慷慨
出處不苟所在多善政退居林下訓誨子
弟一以人倫忠孝立行清白為本是公之
可法可傳者文即其行也無如兵燹頻仍
家藏者多散軼或偶見抄本不成卷帙為
之後者寧不懼先澤之泯沒與予訪求已

序十

久不遺餘力一日忽得之芝城史文令先
生家驚喜不寐者數日昔人云惟有文為
不朽今讀方伯公稿者知其筆力本之史
漢故其波瀾之壯濶如潮如海光華之掩
映如日月朝夕見而光景常新也溫潤縝
栗如明珠拱璧而至味中涵又如布帛菽
粟令人日夜食而不少厭也是誠足以昭
百代壽天壤矣又況攷其政績安民而砥

德者厥功甚偉仰其令範軼前而裕後者
歷久彌新則後之開風而起慕者又寧有
艾耶用是付之曲刀公諸同好海內不乏
楊子雲韓昌黎曠代相賞當必有辨之者
梓成不辭鄙陋敢敬跋于篇末云

昔

康熙三十六年歲在丁丑季春月清明日

龍溪六世姪孫逢源九頓跋

序三

先都諫少潭公與公戚誼也又友道也里
居相距不半舍瓜葛世綿公先期奮翮余
少潭公甲午魁南畿登辛丑進士聚首京
師晨趨青瑣畫檢白雲親戚之情朋友之
義款洽於官衙客舍之間何甚盛也後公
平海氛功為當事掩少潭公出靖倭寇忙
權貴掛冠而歸兩人遭際絕相類其間陵
谷變遷雲泥翻覆幾百年於茲矣猶憶髫
年受學時先華語余曰浮北青峰公才名
甲天下家語牒載其文與余都諫公誼極
厚恨生晚不獲親炙其人然私心嚮往者
久之後館公族誰翁先生家追叙世好愈
切淵源每酒闌耳熱慷慨悲歌輒發公遺
稿擊節朗誦有姑蘇神人之思而刻板遭
兵燹燼落於寒烟劫火中初感也亡而相
泣謂全稿不傳而公之遺澤俱湮矣及聞

芝田史氏有藏本贖歸驚喜欲狂蓋公稟
川嶽鍾靈之氣故其在朝也為景星為慶
雲為祥麟威鳳而性情所至發為詩歌文
章洵又數千言為綺錦為葵鼎為瀛海蜃
樓雖經略廣浙所在多不傳而茲已窺見
一斑要其筆力神機直可凌馬鑠范何論
晉魏也嗟乎男兒岸然七尺軀搦管學文
自謂功名唾手立就而一戰鐵羽春風馬
蹄嗟日暮矣既遇且顯而為文又不自振
力以傳於後其雕零磨滅不可勝數公弱
冠登朝獨當中原才子一面文稿沉落幾
百年賴崛起有人志切表彰追尋於殘編
斷簡之餘彙為成書公之不朽者不可謂
非後賢之力也獨余都諫公與公道同遇
又同而著述散佚無存卒未有念及此者
豈山川風氣之淳薄不同時而盛耶將天

紆徐其間厚其施於繼起之人耶則遇且
顯而負表彰之責者當不知誰屬矣余因
公刻稿成喜與感交集蓋由前所稱見先
世戚友之好由後所稱竊又致私望於今
日之薪傳也

青

康熙丁丑歲天中節日

閩江後學鄭仙梓謹跋于

東園之竹裡亭

先生存案第一卷

龍溪後裔六世孫

逢源

金勇來聘

東起手錄

逢瑞

全姪

銓 鈞

重梓

表

賀聖旦表二首

賀長至嘉節表二首

賀正旦令節表

賀體泉表

賀裕王景王加冠禮成表賀靈雨表三首

賀瑞雪表

賀兩穗嘉禾表

賀冊封永妃禮成表

賀慰表

歸與論

秦購耳餘論

張良論

田橫論

三傑論

韓信論

呂誨以疾喻政論

秦檜殺岳飛論

表

聖旦賀表一

伏以一人有慶逢五百年生聖之辰萬國來同祝億兆載齊天之筭歡聲雷動喜氣雲蒸恭惟

皇上日谷初陽乾端肇闢道參蒼昊常承上帝之歆澤被黔黎玉造四方之命惟茲萬寶告成之日實為一元伊始之初日近蓬萊王氣成五雲之采秋分天上壽星照萬歲之庖漢殿呼三虞庭旅百華夷並慶中外同歡臣等叨列近班幸逢熙運瞻聖人於九五利見

二

龍飛頌天子以萬年特勤虎拜伏頌百神擁護萬壽駢臻過周家定鼎卜年之基特起戊申之歲接黃帝推莢迎日之統莫窮甲子之期臣等云

聖旦賀表二

伏以仙宮日永稱西嘒萬寶之成壽域天開應南極一星之現庭趨萬國蒿祝千官夷夏同情臣民並慶

恭惟

皇帝陛下天輪廣運日轂方升應丘百載而挺生正值流虹之日踰四十年而復始重逢造斗之元嘉氣雲蒸

松檟地物群情戀主擬持金鑑於唐庭聖意敬天

於漢殿臣等叨居近職情倍常時瞻雲氣於

蓬萊遙頌商陵之祝仰日先於霄漢益傾葵藿之誠

伏願享國萬年歆時百福乾坤無極永膺率土之歸

金石有涯莫紀齊天之筭臣等云

長至嘉節賀表一

伏以一陽初動日循長陸之轅萬吉駢來天轉昌辰之軸景欣增線氣應辰恭惟

皇上德契先天功加厚土玄樞默運仁蘇萬物之枯陽德

三

昭回道昌群生之命與乾同運應日脩長臣等叨列

仙班躬逢長至天門日近獨承陽氣之先太液池開

喜見水源之動春生地底歡動朝端伏願瑞遠陽來

長戴一人於有永慶從日至永綏萬福於無疆福源

泉達以川來壽祉天長而地久臣等云

長至嘉節賀表二

伏以日臨長陸初舒化國之輝陽開亨衢益篤

一線方增於舜袞六龍徐御於羲轅恭惟

皇上德契重乾功加厚土玄樞默轉仁敷萬物之春陽德

昭回道冒群生之命與天同運應日借長帝享圖生
直掃舊儀之陋陽回大地式班新曆之初臣等叨列
內階躬逢長至天門日近獨承春氣之先太液池開
早見水源之動喜隨魚躍忠切葵傾伏願百福來同
一人有慶日官底日長書五色之雲天子御天永迓
萬年之曆臣等云

正旦令節賀表

伏以天轉三陽門憲始和之象嵩呼萬歲庭充元會
之儀品彙咸亨一人有慶恭惟

四

皇上道契先天功加厚土衡齊舜政四方屢慶於豐年曆
授舜時百辟欣逢於上旦一年肇始百福維新日月
逢元瑞氣特書於太序乾坤交泰仁恩覃洽於寰輿
慶溢堯庭歡騰舜甸臣等官叨卿寺身際昌期雉尾
雲高遙憶天顏之有在龍樓日近獨承春氣之先瞻
戀切九重欣先庶品伏願與天同運應地無疆八千
歲而為春永御春明之景億萬年而御曆長膺曆數
之歸臣等云

醴泉表

伏以天開壽域將臨饒電之辰地出醴泉遽見承華
之側清分玉檻光映金莖沛帝澤於無方兆皇齡於
有永恭惟

皇帝陛下道沾八極德滲九坤百穀咸登薦嘉禾於帝籍
四靈畢至貢瑞兔於王籥瑞光降白鹿之精寶月獲
玄龜之錫思如川至瑞以年增正瞻聖旦於昌期忽
親靈泉於內苑玉露遙連於仙掌瓊漿初溢於銀潢
龍躍天衢沛大千之玄澤虹流華渚湧天一之神波
蓋將表萬壽之無疆咸以兆一人之有慶歡騰朝野
喜溢臣等叨列清班仰瞻靈應福源泉遠益欽
上帝之臨壽趾山高欣效封人之祝玉曆與天而罔
極萬年逢日月之光瑤圖載地以方昌四海酌淵泉
之溥臣等云

五

裕王景王加冠禮成賀表

伏以花萼相輝仰見慶源之盛塢簾齊奏式觀元服
之成玉節遺瞻徽儀並舉宮庭集慶中外同歡恭惟
皇上運應龍飛心勤燕翼遇以昌後之祥厥由於擇配惟
茲成人之道必始於加冠爰命所司首行茲典二王

同體赫承綵綺之音三服齊加具見遭逢之盛簡賓
肅贊筮日練辰居父儼臨宣聖謨於勅戒元僚將事
祝景福於茂昌辟度雍容威儀明倫樂奏千春之典
希音遠達於龍樓禮行兩幢之間瑞氣遙達於鶴禁
一時並觀千載奇逢如廟同敞天人時吉臣等躬逢
盛際情倍常時見國本之既培仰卜靈長之運知邦
屏之漸盛益隆盤石之宗喜匪有私歡真無極伏願
一人有慶四海無虞壽考萬年佑啟曾孫之慶本支
百世丕承聖祖之休臣等云

六

靈雨賀表一

伏以一穀不成為歎方憂二麥之枯三日以往為霖
忽滿三農之望天如有待神寶為期恭惟
皇帝陛下格天心憂深民瘼靡神不舉緬懷雲漢之詩
有感即通遂獲滂沱之澤五星受機四海從龍月離
畢以吉祥真應聖人之禱山出雲而效職如承上帝
之符潤萬物以無聲洗五兵而不用鋤來牟於下土
何啻金錢布寶瑞於有秋未論珠玉普天沾溉率土
欣欣臣等恭戴玄休欽承帝澤酌天河之餘潤徒知

山化之功瞻斗極之靈光莫罄名言之盛臣等云

靈雨賀表二

通者雨澤未臻奉旨祈禱聖衷懇切上格穹霄天氣
綢繆遂敷玄潤臣等云伏以群生望雨方深雲漢之
懷一德格天倏得滂沱之應恩沾四境澤出九重恭
惟

皇上念切生民憂先稼事緣亢陽之為虐恐嘉穀之未成
遂發綸音仰祈甘澤深宮默禱至誠遠邁於桑林精
德潛孚耳霖遂流於麥野歡騰畿甸喜洽臣民臣等

七

恭祝神功欽承帝力五穀熟而民人育莫各天地之
功三光全而風雨時永祝聖人之壽云

靈雨賀表三

通者雨澤愆期

皇上發德音為民祈禱甚大惠也聖衷懇切上格玄霄天
氣綢繆遂敷甘澤臣等云伏以憂深民瘼方虞嘉穀
之難滋敬格天心頓得甘霖之大浹歡騰禹甸慶滿
光衢恭惟

皇上憂先百姓仁並兩儀偶因雨澤之愆期仰厘綸音之

滌發靡神不舉寔深雲漢之懷有感即通果得沾濡
之賜三農滿望二麥回生潤萬物以無聲宛見太平
之象洗五兵而不川真為至治之祥率土歡欣普天
灌溉臣等仰承弘被恩波欣同草木以敷榮快
觀田疇之暢茂謹吁罔極舞蹈莫知伏願皇澤深長
天休滋至五穀熟而民人育莫名帝世之功三光全
而風雨時永祝聖人之壽云

瑞雪表

某月禮部批示 御劄云云欽此臣等仰知

八

皇上敬天勤民甚盛心也言方脫口意已回天至十三日
四更時分玄雲驟合靈雪頓降臣等云稱賀者伏以
太乙宮中方潔一誠之禱軒轅臺上遽飛六出之翼
應接三朝歡騰百辟恭惟

聖上與天為一敬道奉三志切窮民每履麥秋之望心飯
穹昊恒勤穀日之祈願占盈尺以為祥忽親崇朝而
作霧萬姓實厯於宸慮一心方戒於天齋時叩九玄
冀成三白王言懇切方承綵緯之青天意昭回忽降
瓊瑤之瑞元氣捧雲而為屑嚴風剪水以成花兆應

占百穀益天雨珠玉不療於民飢而帝賚來牟
有裨於邦本惟茲素霰霰寶顯玄功夜半風威果應
宮之祝秋毫帝力頓施率土之仁臣等驚竊窺簾喜
深試策聽恩般急遙知助帝苑之歡授簡心慙莫克
賦天工之巧思占億兆喜出尋常伏願瑞應先天豐
呈厚土五穀熟而民人育敬太平有道之長三光全
而寒暑平綿萬壽無疆之慶云

兩穗嘉禾賀表

伏以穀闕民命寔鍾和氣之先瑞出帝田益見聖人

九

之孝事超百代爰冠四靈振古所無於今為烈恭惟
皇上念先稼穡微切築盛穀日祈年每謹上玄之祝麥秋
禱而恒懷雲漢之憂至孝通於神明深仁流於寰宇
天休滋至和氣叢生故於籍田千畝之中忽有嘉禾
雙穗之異不產於它方而產於內苑以明宗廟祭祀
之所需不瑞於它物而瑞於良苗以見閭閻命脉之
所係此皆

皇上享帝享親之道充滿兩間治民治神之宜超絕萬古
玄道既臻於至治洪庥重發於奇祥掩百代而獨尊